

Siunnersuut
uunga
**Aningaasanoorutit ilaat pillugit Kalaallit Nunaannut
inatsisip allanngortinneqarnera pillugu inatsit**

§ 1

Aningaasanoorutit ilaat pillugit Kalaallit Nunaannut inatsimmi, tak. inatsisip nalunaarutigineqarnera nr. 336, 7. april 2016-imeersoq, makku allannguutigittinneqarput:

1. § 35, *imm. 1*, oqaaseqatigiit aappaat ima oqaasertaqarput:

»Aningaasat 43.250.000 kr.-inut angissusilerneqarput (2015-imi kisitsisit).«

2. § 35, *imm. 3*, atorunnaarsinneqarpoq.

Imm. 4 aamma 5 matuma kingorna tassaalerput imm. 3 aamma 4.

3. § 35, *imm. 4*-mi imm. 3-nngortumi allassimasoq »taamaattorli tak. imm. 5« allanngortinneqarpoq ima: »taamaattorli tak. imm. 4«.

§ 2

Imm. 1. Inatsit 1. januar 2017-imi atortuulissaaq.

Inatsisissatut siunnersuummut oqaaseqaatit

Oqaaseqaatit nalinginnaasut

1. Aallaqqaasiut

Aningaasat Kalaallit Nunaata aningaasanoornermut atatillugu pisartagai pillugit nassuiaammi R 15, 13. april 2016-imeersumi siunnersuutigineqarpoq aningaasat, Kalaallit Nunaanni aningaasanoornermut atatillugu Namminersorlutik Oqartussanut ukiumoortumik maanna nuunneqartartut amerlineqassasut. Aningaasat qaffanneqarnissaat inatsisissatut siunnersuutikkut siunnersuutigineqarpoq.

1.1. Inatsisissatut siunnersuutip siunertaa tunuliaqutaalu

Siunnersuutip siunertaraa aningaasat Namminersorlutik Oqartussat, aningaasanoorutinit Kalaallit Nunaanni neqeroortugineqartunit pisassaasa ukiumoortumik nuunneqartartut qaffanneqarnissaat. Aningaasanoorutit ilaannakuusumik namminersortunngorsaavigineqarnerata 1. januar 2012-imi atuutilersup Kalaallit Nunaannut aningaasatigut sunniuteqarnerlunnginnissaa aalajangersimasumik nuussisarnerup qulakkeerpaa. Taamaammat Kalaallit Nunaat aningaasanik, danskit naalagaaffiata Kalaallit Nunaanni aningaasanoornermit, ilaannakuusumik namminersortunngorsaavigineqartumit isertittagaasut missingersorneqartunut naapertuuttunik pisarpoq.

Aningaasat Kalaallit Nunaata aningaasanoornermut atatillugu pisassai pillugit nassuiaat R 15, 13. april 2016-imeersoq naapertorlugu, danskit naalagaaffiata Kalaallit Nunaanni aningaasanoornermit isertittagai Namminersorlutik Oqartussanut maannamut nuunneqartartunit amerlanerusut missingersorneqarsimavoq.

2. Inatsisissatut siunnersuutip imarisaa

2.1. Inatsit atuuttoq

Aningaasanoorutit ilaat pillugit Kalaallit Nunaannut inatsit naapertorlugu danskit naalagaaffiata aningaasat, danskit naalagaaffiata Kalaallit Nunaanni aningaasanoornermit isertitaanut naapertuuttut Namminersorlutik Oqartussanut ukiumoortumik nuuttassavai. Aningaasat Namminersorlutik Oqartussanut nuunneqartartut amerlassusissaat aningaasanoorutit ilaannakuusumik namminersortunngorsaavigineqarmata, Danske Spil-ip maleruagassat siusinnerusukkut atuuttut naapertorlugit 2011-mi Kalaallit Nunaannut nuussimasaasut amerlatigisunik angissusilerneqarput, tassa aningaasat taakku eqqortuutut missiliuunneqarmata. Aningaasat atuisunut akigititanut naleqqersuutip qaffariaataanik iluarsineqartarput million koruuninullu qaninnernut qummut akunnaallineqartarlutik. Taamaalillutik Namminersorlutik Oqartussat maleruagassat atuuttut naapertorlugit 2013-imi 2014-imilu 39 mio. kr.-inik aammalu 2015-imi 2016-imilu 40 mio. kr.-inik pissarsipput. Aningaasat Namminersorlutik Oqartussanit tamat iluaqutissaattut agguanneqartarput, aningaasalli ilaat Kalaallit Nunaanni ani-

ngaasanoornermit naalagaaffimmut akiliutip 2003-mi atorunnaarsinneqartup aammalu ukiumoortu-
mik tapiissutinit ilanngaatigineqartalersup amerlaqataat siunertanut allanut atorsinnaallugit.

2.2. Inatsisissatut siunnersuut

Aningaasat Namminersorlutik Oqartussanut nuunneqartartut ukioq aningaasanut inatsiseqarfiusoq
2017 aallarnerfigalugu 40.000.000 kr.-iniit (2015-imi kisitsisit) 43.250.000 kr.-inut (2015-imi kisit-
sitet) qaffanneqarnissaat siunnersuutaavoq. Aningaasat atuisunut akigititanut naleqqersuutip qaffari-
aataanik, amerlassusiinik iluarsineq ilanngullugu iluarsineqassapput, iluarsiinernilu million kr.-inut
qaninnernut qummut akunnaallineqassallutik. Aningaasat danskit naalagaaffiata Kalaallit Nunaanni
piffissami 2012-imiit 2015-imut aningaasanoornermit isertittagaasa missingersorneqarnerat tunnga-
vigalugu angissusiligaapput, tassa Danske Spil-ip Kalaallit Nunaanni aningaasanoornermit sinne-
qartoorutai, Kalaallit Nunaanni eqqoriaasitsinernit internetikkullu aningaasanoornernit akileraarutis-
satut missingersorneqartut tamarmiusut aamma selskabip akileraarutaasa ilaasa Kalaallit Nunaanni
aningaasanoornermeersutut missingersorneqartut aallaavigalugit.

3. Pisortanut aningaasatigut allaffissornikkullu sunniutissai

Aningaasat Kalaallit Nunaata pisassaasa ukioq aningaasanut inatsiseqarfiusoq 2017 aallarnerfigalu-
gu siunissami 43.250.000 kr.-inut, tassa 2015-imi kisitsisit malillugit, angissusilerneqarnissaannik
siunnersuut Namminersorlutik Oqartussat ukiumut aningaasanut inatsiseqarfimmut 2017-imut 4
mio. kr.-inik isertitsissutiginerussavaat, tassami aningaasat 40.000.000 kr.-iniit 44.000.000 kr.-inut
qaffanneqassammata. Aningaasat atuisunut akigititanut naleqqersuutip qaffariaataanik, amerlassu-
siinik iluarsineq ilanngullugu iluarsineqassapput.

Akerlianik naatsorsuutigineqarpoq siunnersuut danskit naalagaaffiata karsianut ukiumi aningaasa-
nut inatsiseqarfiusumi 2017-imi 4 mio. kr.-inik isertitakinnerulersitsissasoq. Aningaasat Namminer-
sorlutik Oqartussat pisartagaasa qaffariaataat danskit naalagaaffiata Kalaallit Nunaanni aningaasa-
noornermit isertitaasa naligaat. Isertitani ilaapput Danske Spil-ip Kalaallit Nunaanni aningaasanoor-
nermit iluanaarutai, Kalaallit Nunaanni eqqoriaasitsinernit internetikkullu aningaasanoornernit aki-
leraarutissatut missingersorneqartut tamarmiusut aamma selskabip akileraarutaasa ilaasa Kalaallit
Nunaanni aningaasanoornermeersutut missingersorneqartut. Taamaalillutik aningaasat Namminer-
sorlutik Oqartussat pisagaasa danskit naalagaaffiata Kalaallit Nunaanni aningaasanoornermit iserti-
tai naligaat, aningaasat danskit naalagaaffiata missingersuutaani tamarmiusuni ilaasussatut naatsor-
suutigineqarsimanngisaannartut.

Siunnersuut kommunit nunallu immikkoortuisa isertitassaannut sunniuteqartussaangilaq.

4. Inuussutissarsiutinik ingerlataqartunut aningaasatigut allaffissornikkullu sunniutissai

Inatsisissatut siunnersuut inuussutissarsiutinik ingerlataqartunut aningaasatigut sunniuteqartussa-
angilaq.

5. *Innuttaasunut allaffissornikkut sunniutissai*

Inatsisissatut siunnersuut innuttaasunut allaffissornikkut sunniuteqartussaangilaq.

6. *Pinngortitamut sunniutissai*

Inatsisissatut siunnersuut pinngortitamut sunniuteqartussaangilaq.

7. *EU-mi inatsisinut tunngasut*

Inatsisissatut siunnersuut EU-mi inatsisinut tunngasunik imaqangilaq.

8. *Oqartussaasut kattuffiillu il.il. tusarniarneqartut*

Aningaasat Kalaallit Nunaata aningaasanoormut atatillugu pisartagai pillugit nassuiaat R 15, 13. april 2016-imeersoq Folketingimut nassiunneqartinnagu Namminersorlutik Oqartussanut marloriarlugu tusarniaassutigineqarpoq, tassa 21. december 2015-imi aamma 1. marts 2016-imi.

Aningaasanoorutit ilaat pillugit Kalaallit Nunaannut inatsisip allanngortinneqarneranik inatsisissatut siunnersuutip allaqqaarneqarnera oqaaseqaateqarfigisassatut Namminersorlutik Oqartussanut nassiunneqarpoq ulloq 17. juni 2016.

[Aningaasanoorutit ilaat pillugit Kalaallit Nunaannut inatsisip allanngortinneqarneranik inatsisissatut siunnersuutip allaqqaarneqarnera Kalaallit Nunaanni tamanut tusarniaassutigineqarpoq piffissami XX.2016-imit XX.2016-imut.]

9. *Skema eqikkaavik*

	Sunniutissai pitsaasut/aningaasartuutikinnerussutaasut	Sunniutissai pitsaangitsut /aningaasartuutaanerussutaasut
Naalagaaffimmut, kommuninut nunallu immikkoortuinut aningaasatigut sunniutissai	Soqanngilaq.	Siunnersuut aningaasanut inatsiseqarfimmi 2017-imi -4 mio. kr.-inik kinguneqassangatinneqarpoq.
Naalagaaffimmut, kommuninut nunallu immikkoortuinut allaffissornikkut sunniutissai	Soqanngilaq.	Soqanngilaq.
Inuussutissarsiuutinik ingerlataqartunut aningaasatigut sunniutissai	Soqanngilaq.	Soqanngilaq.
Inuussutissarsiuutinik ingerlataqartunut allaffissornikkut sunniutissai	Soqanngilaq.	Soqanngilaq.
Pinngortitamut sunniutissai	Soqanngilaq.	Soqanngilaq.
Innuttaasunut allaffissornik-	Soqanngilaq.	Soqanngilaq.

kut sunniutissai		
EU-mi inatsisinut tunngasut	Inatsisissatut siunnersuut EU-mi inatsisinut tunngasunik imaqanngilaq.	

Inatsisissatut siunnersuummi aalajangersakkanut ataasiakkaanut oqaaseqaatit

§ 1-imut

Nr. 1-imut

Namminersorlutik Oqartussanut, aalajangersagaq atuuttoq naapertorlugu 2015-imi 2016-imilu nuunneqartut 40.000.000 kr.-iupput.

Aningaasat 43.250.000 kr.-inut (2015-imi kisitsitit) qaffallugit aammalu million kr.-inut qaninnernut qummut akunnaallillugit 44.000.000 kr.-inut angissusilerneqarnissaat siunnersuutaavoq.

Aningaasat Namminersorlutik Oqartussanut nuunneqartartut atuisunut akigititanut naleqqersuutip qaffariaataanik maannamutuut iluarsineqartassapput. Aningaasat iluarsineqartut million kr.-inut qaninnernut qummut maannamutuut akunnaallineqartassapput.

Nr. 2-mut

§ 35, imm. 2-mi atuuttumi allaqqavoq, aningaasat aningaasanoornernut Kalaallit Nunaanni neqerootigineqartunut atatillugu Namminersorlutik Oqartussat pisassaasa amerlassusiinik naatsorsueqqittoqartariaqarnerisooq paasiniarlugu aningaasaqarnermut ministeri akileraartarnermullu ministeri nassuiaasiortassasut.

Aalajangersakkamik atorunnaarsitsineq aningaasaqarnermut ministerip akileraartarnermullu ministerip nassuiaasiortarnerisa kinguneraat - Aningaasat Kalaallit Nunaata aningaasanoornernut atatillugu pisartagai pillugit nassuiaat R 15 (13. april 2016).

Aningaasat suli eqqortumik amerlassuseqarnerisut paasilluarumallugu siunnersuutaavoq Akileraartarnermut Ministereqarfik Aningaasaqarnermullu Ministereqarfik ukiut naatsorsuusiortarfiusut sisamat qaangiukkangata aningaasanik nalilersueqqittassasut. Allanguutip 1. januar 2017-imi atuutilersusaanera eqqarsaatigalugu siunnersuutaavoq aningaasat amerlassusiat 2021-imi ukiup affaani siullermi nalilersoqqinneqassasooq, aningaasat amerlassusissaat 2022-mut kingusinnerusumullu aningaasanut inatsisissani allanngortinneqaratarsinnaanerat siunertaralugu.

Nr. 3-mut

Allanngut allannguutissatut siunnersuummi nr. 2-p kinguneraa.

§ 2-mut

Inatsisip 1. januar 2017-imi atortuulernissaa siunnersuutaavoq.

Inatsisissatut siunnersuut inatsimmut atuuttumut sanilliullugu

Oqaasertai atuuttut

Inatsisissatut siunnersuut

§ 35. Aningaasanoorutinit, inatsit manna naapertorlugu akuerineqarluni Kalaallit Nunaanni neqeroorutigineqartunit Namminersorlutik Oqartussat pisassaasat danskit naalagaaffiata ukiumoortumik nuuttassavai. Aningaasat amerlaqatigaat aningaasat Danske Spil A/S-ip aningaasanoorutit, eqquiniaasitsinerit eqqoriaasitsinerillu pillugit inatsit naapertorlugu, ukioq naatsorsuusiorfiusoq 2010 tunngavigalugu Namminersorlutik Oqartusanut 2011-mi nuutai.

Imm. 2. ---

Imm. 3. Aningaasat Namminersorlutik Oqartussat pisartagaasa imm. 1-imi taaneqartut amerlassusii naatsorsoqqinneqassanersut paasiniallugu aningaasaqarnermut ministeri akileraartarnermullu ministeri 1. januar 2016 nallertinnagu nassuiaasiussapput.

Imm. 4. Aningaasat imm. 1-imi taaneqartut Namminersorlutik Oqartussanit tamat iluaqutissaattut agguanneqartassapput, taamaattorli tak. imm. 5.

Imm. 5. ---

§ 1

Aningaasanoorutit ilaat pillugit Kalaallit Nunaannut inatsimmi nr. 223, 22. marts 2011-imeersumi, inatsimmi nr. 1573, 15. december 2015-imeersumi § 3-kkut aamma inatsimmi nr. 1574, 15. december 2015-imeersumi § 3-kkut allangortinneqartumi makku allangutigitinneqarput:

1. § 35. Aningaasanoorutinit, inatsit manna naapertorlugu akuerineqarluni Kalaallit Nunaanni neqeroorutigineqartunit Namminersorlutik Oqartussat pisassaasat danskit naalagaaffiata ukiumoortumik nuuttassavai. »Aningaasat 43.250.000 kr.-inut angissusilerneqarput (2015-imi kisitsisit).

2. § 35, imm. 3 atorunnaarsinneqarpoq.

Imm. 4 aamma 5 matuma kingorna tassaalerput imm. 3 aamma 4.

3. § 35, imm. 4-mi imm. 3-nngortumi allasimasoq »taamaattorli tak. imm. 5« allangortinneqarpoq ima: »taamaattorli tak. imm. 4«